



Inatsisartuni ilaasortaq, Per Rosing-Petersen

Partii Naleraq

**NOTAM-iliortarnej pillugu § 37 naapertorlugu apeqquut nr. 2016-008-mut akissuteqaat**

Brevdato: 25-01-2016

Sags nr.2016 - 654

Dok. nr. 7409766

Asasara Per Rosing-Petersen

Kalaallit Nunaanni NOTAM-iliortarnej pillugu apeqquuteqaammut, Inatsisartut suleriaasianni § 37 naapertorlugu nassiussannut qujanaq.

Postboks 909

3900 Nuuk

Tlf.: (+299) 34 50 00

Fax: (+299) 32 52 86

E-mail: isan@nanoq.gl

www.naalakkersuisut.gl

**Nunatsinni NOTAM (Notice to Airmen) kikkut ingerlattarpaat aamma qitiusumiit akuliuttoqartarpa?**

NOTAM mittarfiit atortuinik sunilluunniit pilersitsinermut, qanoq issusiinut allannguutaannulluunniit, kiffartuussinernut, suleriaatsinut imaluunniit ulorianartorsiorfiusunut, sulisunut timmisartunik sullissinermik suliaqartunut tulleriiaarinissamik ilisimasaqarnissamut pisariaqartitsiviusunut paasissutissanik imaqartarpoq.

NOTAM oqartussaasumit, silaannakkut angallassineq pillugu paasissutissiisarnermik aqutsinissamut akisussaasuusumit suliarineqartarpoq. Kalaallit Nunaanni aamma Danmarkimi silaannakkut angallassineq pillugu paasissutissiisarnermik aqutsineq Angallannermut Sanaartornermullu Aqutsisoqarfik sinnerlugu Naviair-imit isumagineqarpoq. Silaannakkut angallassineq pillugu paasissutissiisarnermik aqutsisut Kalaallit Nunaata immikkoortua tamakkerlugu, kiisalu sumiiffiup Søndrestøm FIR-imut ilaasup imartaata silaannartaani paasissutissanik katersinissaq siaruarterinissarlu akisussaaffigaat. NOTAM ICAO-imi imm. 15 naapertorlugu suliarineqartarpoq.

Oqaaseq "qitiusumiit" atorakku Naalakkersuisunut, taassumalu ataani Naalakkersuisunit ingerlatseqatigiiffimmut imminut ingerlattumut Mittarfeqarfinnut innersuussisimassasutit ilimasuppunga. Oqartussaasut attuumassuteqartut, taakkunungalu ilaatigut Angallannermut Sanaartornermut Aqutsisoqarfik Mittarfeqarfiillu ilanngullugit, pisariaqartitsinerat malillugu Naviair-ip NOTAM suliarisarpaa. Tassalu timmisartunut mittarfiit qulimiguulinnulluunniit mittarfiit, Mittarfeqarfinnit ingerlanneqartut ilaanni NOTAM-iliornissaq pisariaqartinneqalerpat Mittarfeqarfiit Naviair-imut nalunaartarput. Kiisalu timmisartunut mittarfiit, Mittarfeqarfinnit ingerlanneqartut ilaanni annertuumik allannguuteqartoqarpat, tamanna Ineqarnermut, Sanaartornermut Attaveqaqatigiinnermullu Naalakkersuisoqarfik aqutugalugu Naalakkersuisunut nalunaarutigineqartarpoq.

Inussiarnersumik inuulluaqqusillunga

Knud Kristiansen